

中興禮書

中興禮書第二十七卷

吉禮二十七

郊祀誓戒宿齋

紹興十三年七月三日禮部太常寺言勘會自來大禮
依禮例左僕射誓行事執事陪祠官於尚書省刑部尚
書准之前一日朝饗太廟右僕射誓行事陪祠宗室於
太廟齋坊刑部侍郎准之所有今來郊祀大禮并前二
日朝獻景靈宮前一日朝饗太廟受誓戒欲乞依上件
體例施行詔依內左右僕射自乾道八年詔以左右丞
相為稱九年郊祀行事稱左右丞相
八月十六日禮部言准都省批送下提舉修內司申准
省劄禮部太常寺言勘會自來大禮依禮前三日於大
慶殿奏請皇帝致齋今來乞就文德殿作大慶殿奏請

皇帝致齋所有殿上合鋪設御榻元係本司置造每司豫先計置排辦本司契勘大禮排辦御榻元係本司置造每遇使用係儀鸞司鋪設收徹伏乞朝廷行下儀鸞司照會施行送禮部勘當尋下太常寺勘當欲依本司所乞詔依

二十五日禮部太常寺言昨紹興十年明堂大禮其前導行事執事應奉等官並致齋三日有本司者宿本司無本司者宿於法惠寺致齋內行事執事宗室宿於六部南空閑府第致齋所有逐處合用幕次什物燈燭等并係臨安府同儀鸞司釘設排辦有所今來郊祀大禮應前導行事執事應奉宿宿齋去處除郊祀大禮前一日宿齋依已降指揮於青城側近寺院宿齋外其前三

日前二日宿齋去處欲乞依上件禮例施行內行事執事宗室宿齋去處乞令宗正司踏逐申請詔依

九月四日禮部太常寺言今參酌合行事件下項一勘會今來郊祀大禮已降指揮將文德殿作大慶殿奏請致齋依儀知樞密院事以下先詣垂拱殿起居分左右前導至大慶殿後閣今欲乞依儀樞密以下先詣垂拱殿起居其前導一節欲乞下閣門看詳申請施行一勘會自來大禮奏請致齋設東西房於御座之左右稍北又設西閣及齋設於殿後之左右殿上前楹施簾所有今來郊祀大禮奏請致齋東西房等欲令儀鸞司隨地之宜釘設排辦詔依

位

十月六日詔垂拱殿起居臣僚免起居導駕並先期侍立

十四日禮部太常寺言勘會十一月七日郊祀大禮前
一日薦饗別廟行事官等合前三日致齋欲乞有本司
者宿本司無本司者於法會寺宿齋至日守太廟門赴
赴行事詔依 十七日禮部侍郎王賞等言勘會今來
郊祀大禮朝饗太廟前一日車駕詣太廟齋殿致齋其
日禁衛諸班直親從等並合於本廟各認地分坐甲宿
衛其車輅儀仗法物等自太廟櫺星門外陳列今欲乞
是日宰執於太廟宿齋內管軍皇城司官亦乞分宿太
廟詔依

後從
此

二十一日兵部言勘庫部依宣和大禮令例遇大禮本
部合差委官一員免陪祠宿齋將帶人吏五人往仗內
提舉點檢一行儀仗并點檢宿殿等幕次緣今來郊祀

大禮所用儀仗一萬四千餘人并排辦釘設宿殿太廟
青城宿齋并宰執等一行幕次合依舊法差委官吏前
去提舉點檢編排詔依

二十二日禮部太常寺言今條具到下項 一紹興十
年明堂大禮前十日受警戒於尚書省并太廟齋坊是
日各合五更一點開門所有今來郊祀大禮欲乞依禮
例施行 一紹興十年明堂大禮行事官等致齋日三
有本司宿於本司其本寺官吏並合行禮時前點檢排
辦實設禮科及殿內外往來提振照管比之其他行事
官事體不同今本寺官朝饗前一日於太廟幕次宿齋
有今來郊祀大禮朝饗前一日本寺官吏宿齋去處欲
乞依禮例施行詔依

後皆
做此

同日御史臺言今條具到合行事件下項 一自來大禮係大慶殿奏請皇帝致齋百官班次並北向內大學士至兩省官合分詣三墀東西相向立目今殿庭即無三墀欲乞依上件禮例隨地之宜東西相立班 一自來大禮依本臺儀陪祠官奏請畢宿於朝堂今來未有朝堂乞依紹興十年九月明堂大禮例有本司者宿於本司無本司者欲乞依行宮北門外待漏舍屋令本府同儀鸞司排辦釘設時暫應副陪祠官宿齋及於景靈宮太廟門外各行和賃民居屋宇充至日待漏極星門內合用待班幕次乞令臨安府同儀鸞司於逐處釘設排辦詔依

二十七日禮部太常言勘會今來郊祀大禮十一月七

日車駕詣青城已降指揮敕祭利涉門內側近崇塔院充宿齋去
前一日宿齋去處於利涉門內側近崇塔院充宿齋去

處詔依一松樓永樂大典第五十四百六十一卷載禮書

十月四日禮部太常寺言勸會白東大禮依儀未

時太官今監視宰殺御史展視昨與十年明造神食

依創光祿卿監察御史並在木司宿齋若伺候造神食了

光祿卿監察御史並在木司宿齋若伺候造神食了

畢顯見日晚除太官令祿光玉就神厨宿齋外其光祿

卿監察御史依儀于未行禮前詣神位前點乞依禮例

來郊祀大禮並制獻景靈宮如饗大廟今欲依禮例

施行詔依白後便此乾道三年以後光祿卿亦赴太廟

十月十二日閣門言奉詔將來郊祀大禮青城知閣門

官宣贊舍人已下四十餘員閣門客省四方館提點使
臣承受等四十餘人並令於顯教院見在僧屋宿齋什
物等令臨安府同儀鸞例排辦釘設二十九日禮部狀

都批下大宗正司申據右監門衛大將軍榮州防禦使
士灞等狀差充郊祀大禮行事欲乞於睦親宅大小學
及千頃院兩處致齋尋行下太常寺看詳欲依所乞送
禮部依看詳事理施行

十六年八月二十六日禮部太常寺言今來郊祀大禮
應前導行執事應奉官宿齋去處除郊祀大禮前一日
宿齋依例於青城側近寺院宿齋外其前三日前二日
無職任官昨紹興十三年於法惠寺致齋緣法惠寺
即目見有官司拘占欲乞令應行事執事無職任官前
三日前二日並宿齋於別試所其合用幕次等並乞依
紹興十三年郊祀大禮已降指揮施行詔依自後逐郊
于貢院
十月八日禮部太常寺言勘會將來郊祀大禮檢照紹

興十三年已降指揮太常寺官吏並合點檢排辦實設
禮料及殿內往來振提照管係於朝饗前一日赴太廟
幕次宿齋契勘元降指揮即無該載許於幕次存留燈
火之文當時不曾於事務所給到請火牌遇有行移點
檢事務幾至悞事欲乞從本寺具合用燈火去處關報
事務所給火牌存留燈火令本寺差人掌管用畢洒熄
詔依

乾道九年十月一日禮部太常寺言勘會今來郊祀大
禮并前二日朝獻景靈宮前一日朝饗太廟行事官數
內亞獻已降指揮差皇太子本寺今檢會條具到事件
下項 開寶通禮皇帝冬至祀園丘齋戒前祀七日平
明太尉誓百官於尚書省曰某月某日祀昊天上帝於

園丘各揚其職不供共其事國有常刑若皇太子親王
為亞獻終獻即受誓戒於書誓文曰各揚其職肅奉常
儀郊廟奉祀禮文親祠南郊儀注前七日平明命太尉
誓百官於尚書省亞獻終獻及宗室應赴陪位立班者
並赴中書受誓戒不應典禮古者將祭必先誓戒百官
者重失禮而要之以刑也按禮郊特牲曰卜之日王立
于澤親聽誓命受教諫之義也獻命庫門之內戒百官
也太廟之命戒百姓也說者曰庫門在雉門之外所謂
公朝也百官公卿已下也百姓王之親也百官疏故戒
之於公朝百姓親故戒之於太廟今誓百官於尚書省
誓宗室於中書非禮所據伏請改正儀注戒百官於朝
堂戒宗室於太廟以合禮經之正 元豐六年正月二

十三日尚書禮部言親祠掌誓戒即依元豐四年十月
六日詔用左右僕射掌涖誓乾道六年并逐次郊祀大
禮行禮儀注齊戒前祀十日質明有司設行事執事及
陪祠文武官位於尚書省又設行事執事及陪祠親王
宗室位於太廟齋坊右僕射刑部侍郎在北南向右僕
射在左刑部侍郎在右

刑部侍郎

亞終獻在南北向西

上親王及行事執事陪祠宗室在東西向北上左僕射
讀誓於尚書省刑部尚書涖之右僕射讀誓於太廟齋
坊刑部侍郎涖之誓文曰今年十一月某日冬至謁
款于南郊合祭天地前二日朝獻景靈宮前一日朝饗
太廟各揚其職其或不恭國有常刑 勘會將來郊祀
大禮今參酌前項典故禮例欲乞前祀十日質明皇太

子於太廟齋坊受誓戒所有誓文欲參照開寶通禮及前項禮例施行其受戒誓日欲乞早二刻開麗正門以俟皇太子赴赴受誓戒立班係右丞相一員掌誓其立班欲依自來郊祀大禮體例候今降指揮下日於儀注內一就修入施行詔依

同日又言勘會今來郊祀大禮并前二日朝獻景靈宮前一日朝饗太廟行事官數內亞獻已降指揮差皇太子檢照太平興國九年十一月十一日禮儀使庖爨言亞獻三獻及諸王隨皇帝宿齋未審齋於何處詔韓王以下三人及皇姪孫惟吉於本宮廳內宿齋勘會今來郊祀大禮皇太子宿齋去處欲依上件典故第一日於本宮廳宿齋所有太廟圓壇各合用宿齋幕次係屬御

史臺施行詔依

六日御史臺言勘會今來郊祀大禮前二日朝獻景靈宮前一日朝饗太廟至日圓壇行禮皇太子合用逐處待班宿齋幕次除景靈宮見有待班閣子外所有太廟欲貼占齋殿前西壁行事官幕次四間圓壇欲貼占龍華寺並乞令儀鸞司同臨安府釘設排辦詔依

十六日臣僚劄子奏臣聞國之大事在祀與戎所宜恪恭罔不祗率臣謹按禮典凡大祀前期十日受誓于尚書省散齋七日致齋三日而後行事所以友於神明其敬如此比歲有司循習媮惰差攝行事官或臨期稱疾不赴則令以次官通攝一身二任固匪精專而又漫無檢束何以示衆淳化中臣僚有請應赴祀事而稱疾者

遣使同醫官驗視如涉虛偽即行降黜仍令監察祭使常切告諭臣愚欲望聖慈特詔有司申嚴法禁速賜施行庶幾郊天之歲小大協恭周於禮樂之間而祀事舉矣取進止詔依

孝宗淳熙三年十一月九日文武百僚赴大慶殿奏請皇帝詣齋殿十日皇帝詣景靈宮朝獻畢詣太廟宿齋十一日朝享太廟禮畢詣青城齋宿十二日親郊于園壇

淳熙元年

松按此條有契勘淳熙二年之文元年似誤

十二月五日禮部太常

寺言勘會太史局選定來年春季祀祭時日數內正月八日上辛祈穀祀上帝依禮例前三日致齋皇帝不遊幸不作樂準國信所牒契勘將來大金賀正旦使人致

闕朝見入賀赴宴朝辭合要見各作樂有無妨礙今檢
照下項 一國朝會大中祥符九年正月四日契丹使
辭宴於崇德殿不舉樂以孟春饗廟致齊故也自是遇
如治平二年十二月十七日太常禮院言參詳每遇元
正御殿雖在正月上辛祠官致齊日內並當用樂從之
一乾道六年十月二十四日勅節文大金使人到闕
賀生辰排日內一項今月二十八日使人朝辭赴宴其
日係皇帝散齋之內更不用樂所有歸驛賜御筵并夜
筵未審合與不合樂奉聖旨歸驛賜御筵并夜筵許用
樂 一乾道七年大金賀正旦使人到闕正月五日起
宴作樂係在上辛祠官致齊之內八年正月一日使人
入賀畢賜茶酒作樂係在上辛祠官致齊之內十二月

二十七日使人朝見畢赴垂拱殿宴作樂係在臘饗太廟別廟祠官致齋之內乾道九年正月五日使人赴宴六日朝辭賜御筵係在上辛祠官致齋之內並有妨作樂並奉聖旨依治平二年典故施行 一契勘淳熙二年正月五日使人赴宴六日朝辭賜御筵並係在上辛祠官致齋之內有妨作樂緣有前項指揮伏乞朝廷施行詔依治平二年典故施行

中興禮書第二十八卷

吉禮二十八

郊祀警場鼓吹

高宗建炎二年十一月二十二日郊祀大禮合排設奏嚴更警場就用中軍金鼓角匠衣物抹額幘頭背子等應奉

紹興十三年閏四月十日尚書省劄禮部太常寺言契勘在京每遇大禮前期內殿宿齋合排設嚴更警場係用奏嚴鼓一百二十金鉦二十四鳴角一百二十奏嚴祇應昨自出京後來每遇大禮止用鼓角各六十金正一十二及祇應人并就用殿前司中軍人物充代其鼓係用匾鼓子金鉦係用鑼緣將來行郊祀大禮事體至

重未敢依例排辦若依在京禮例除合用祇應人就用殿前司中軍金鼓匠并鳴角手外其餘金鉦奏嚴鼓并乞下軍器所計會樣制造作施行後批送禮部指定申尚書省尋下太常寺指定合用奏嚴鼓一百二十金鉦二十四鳴角一百二十其合用人并上件金鼓鳴角欲乞並就用殿前司中軍人物如不足令本司下逐將刻刷應副詔依

六月二十三日禮部太常寺言將來郊祀大禮排設儀仗鼓吹令丞已下共八百八十四人令殿前馬步三司下諸軍及將下預行刻刷均差稍詣樂藝之人充攝勘會今來數內歌色簫篳篥笛笳大小橫吹拱辰管等共四百七十餘人緣舊來差到三司雜攢樂人往往曾經

祇應到寺日又差鼓吹人員已下共一百一十九人分
頭指教緣將來郊祀大禮鼓吹儀仗并奏嚴更警場合
用導引六州十二時奉禮歌降仙臺詞曲應奉其三司
所差雜撰樂人并係創行習學教閱樂藝節次擺理拽
合預行措置令具項下 一所有合用詞章乞從太常

寺具譜申學士院修撰及鼓吹局本院按彈腔譜乞於
皇城司閱借入皇城門勅號一道 一將來教閱前後

部作樂執色排立引拽擺行及奏嚴更警場令乞將鼓

吹警場每日就法惠寺教習樂苑所有排立引拽行步

作樂藝色人乞權暫每五日一次借錢湖門外殿前司

背鬼教場內閱習詔依

導引六州十二時奉禮歌降仙臺詞詳見鼓吹歌詞門

七月十二日戶部言禮部太常寺申據鼓吹局指教使

臣狀乞勘已依降指揮將來郊祀大禮排設儀仗鼓吹合措置教閱今具下項 一乞於殿前馬步三司先次刻刷稍譜樂藝曲調及識字堪充歌色人各三十人欲自今年七月一日教習 一契勘鼓吹局今丞典史府史指揮使帥兵官執色樂人欲乞自八月一日教習詔依

十月十六日禮部太常寺言契勘自來在京每遇大禮前一日朝饗太廟車駕詣本廟宿齋至夜係於太廟樞星門裏排設嚴更警場奏嚴祇應所有今來太廟樞星門裏竊慮地步難以排設欲乞於樞星門外隨宜排設詔依

十七日鼓吹局申准已降指揮郊祀大禮排設鼓吹令

二點巡唱唱和并同內警場鼓吹每更三奏奏至三更

罷奏內六軍儀仗司五更二點訖下警場鐘鼓院離唱

已夜庚子初位易太階平三更一點內夜辛清曉吹夕長

晚奏開五更三點四點五點次左右仗司并不巡和

止衆和五更三籌四籌五籌各二遍攢點次左右仗

司排列官各唱笙笙動衆唱喏候鍾鼓院難唱云朝光

發萬戶開群臣謁訖鳴笙笙次左右仗司排列官各唱

笙動各二遍次左右仗司排列官各唱笙笙絕候鍾鼓

院笙笙絕次左右仗司人兵衆和笙笙絕各二遍次排

列官各唱四動四絕衆唱喏次左右仗司人兵唱和并

同初更聲發旦內撥點發鼓第二會鐘鼓院難唱詞云于

奏畢舉燭火鼓吹就森柱門外

依作衆動降仙臺笛色起頭

十九年六月十四日兵部言准都省送下臣僚奏恭觀國家大禮乘輿齋宿之所必設警場蓋所以肅儀衛而嚴祀事也選樂工隸太常製歌詞以備三疊累朝以來皆用之恭惟陛下詔述先猷虔恭祀事禮樂器服煥然一新惟警場之設有節鼓大鼓金鈺鳴角之制尚未及討論前此郊廟行禮取殿前司鐸鼓權一時之用而已夫軍旅祭祀事既異宜則樂聲清濁用亦殊尚臣愚竊謂鈺鼓鳴角列於鹵簿之中以示觀聽之盛宜詔有司更加製造兼籍鼓吹局樂工以時閱習每遇熙事出而用之則制作之美聲音之和用以承祀不其韙歟詔令有司限一日開具申尚書省禮部太常寺契勘節鼓奏嚴鼓鼓鳴角金鈺乞下軍器所製造今具下項 一合

用節鼓一依舊制鼓腔高四尺面濶三尺彫木彩畫纏
龍圓座踏床鼓槌并用桐油造作昨紹興十三年并紹
興十六年兩次大禮為未曾製造權用本寺舊鼓一面
充使 一合用奏嚴鼓一百二十依舊制鼓腔高三尺
三寸面濶二尺五寸彩畫纏龍八角座子踏床鼓槌并
用桐油造作係差殿前馬步三司兵級擊昨紹十三年
十六年兩次大禮借用殿前司諸軍匾鼓 一合用鳴
角一百二十依舊制角身長六尺彩畫纏龍及用紫羅
夾繡纏龍袋盛并角柱子紅條舊係本寺武嚴指揮兵
級祇應管押人員教頭在外昨紹興十三年并十六年
兩次大禮借用殿前司諸軍墨漆小角 一金鉦二十
四依舊制面濶一尺五寸厚四分用木圍朱紅漆條舊

係殿前馬步軍司兵級擊昨興^結十三年十六年兩次大

禮借用殿前司諸軍鑼使用與金鈺聲韻大段不同

一契勘鼓吹警場合共用一千八百五十七人係於三

衙借差今來乞依例差借教習使用所有起教月日一

行鼓吹等名色錄事二人院官四人局長四人引樂官

八人色長五人樂工共一百四人^{最色二十五人軍樂色二}

^{十五人}一依五禮新儀每遇大禮仗內鼓吹前

後部執色祇應人共用八百八十四人內導引一百一

十五人分五處作樂及駕前部五百三十六人駕後部

二百三十三人依在京日係內將鼓吹局額管令丞已

下一百二十九人盡數差撥外其餘所闕人係於殿前

馬步軍司差撥雜攢樂人充攝畫在伏內遇夜赴警場

祇應詔依

七月二十四日工部言禮監造軍器中契勘

大昨紹興十三年依用紫羅天生色彩

造作今相度欽乞依制用紫羅天生色彩

二十四日兵部言契勘在京日應奉大禮合用左右仗

司并左右街司各唱和人兵五十二人六軍儀仗司唱

和人兵七十人龍鳳鼓一十面鼓鋪節級一十人其合

鼓鼓於六軍儀仗司閑借左右金吾街仗司六軍儀仗

司共用職掌四人以本司人吏充排設警場車駕宿殿

日在皇城南門外車駕宿太廟日在太廟門外車駕宿

青城日仗司二鋪在泰裡門裏街司六軍儀仗司四鋪

在泰裡門外及文德殿鐘鼓院自來舊制嚴更警場合

用金龍鼓一銅鈺一影儀更籌牌子法物就用本院見

行雅飾使用詔依

紹興十九年十二月二十八日詔依

三年
之制

七月二十五日太常少卿張祀言契勘每遇大禮五使前期按嚴更警場係於尚書省及按雅樂係於法惠寺緣今來郊祀大禮嚴更警場依近降指揮創造奏嚴鼓一百二十面并座其排設所占地步稍廣竊慮於尚書省排設窄隘兼法惠寺亦無正廳所有將來五使按嚴更警場并按雅樂欲乞就貢院排辦詔依

二十五年十一月二十六日詔嚴更警場見係露地安設遇雨令於闕亭振作

隆興二年五月五日禮部太常寺言勘會近降指揮郊祀大禮除事神儀物諸軍賞給依舊制外其餘輿服御及中外支費并從省約令有司條具申請施行今條具

駕鹵簿六引駕前後部鼓吹振作比之儀仗人數稀少

五百八十八人警場二百七十五人內三分減一止用

二時奉裡歌降仙臺詞曲乞從太常寺具申學士院看

年三分減一用五百八十八人第一引無鼓吹外第二十八

同第二節引一名前部鼓吹合二府史四人帶指
一各鼓一人金狂十人獨鼓十人共

卷二十八

人官押十八人使一名歌色十人八節鼓一名拱辰骨三
 二十八人小模吹三十二人軍旗十人八節鼓一名拱辰骨三
 羽葆鼓六人警場人鼓三十分減一用一百八十三人武
 鼓教頭一名金鼓角鼓頭五人押隊一名金鼓角四十六
 人角鼓十人金鼓角鼓手八十一人金鼓角鼓手八十一人
 鳴角六隻吹八人梅花第一金鼓角鼓手八十一人金鼓角
 隻吹小梅花吹三奏屬鼓八十面奏發三會鼓樂動六
 洲第二奏鳴角吹大梅花吹三奏屬鼓八十面奏發三會鼓樂動六
 奏鳴角吹大梅花吹三奏屬鼓八十面奏發三會鼓樂動六
 奏禮畢鼓吹振作樂動降仙臺內左右金吾衛仗司建
 鼓虎節探唱和後郊祀并如結與此
 十三年之制自後郊祀并如結與此

乾道三年九月十一日太常少卿王淪劄子契勘逐次
 大禮教習鼓吹警場依例於懷遠駟其五使按雅樂鼓
 吹警場前次大禮改用上辛止就本寺按習委是地步
 窄隘今來郊祀大禮所有教習并五使按雅樂警場鼓
 吹乞并就貢院排辦後批送禮送部依所乞事理施行

六年九月十四日學士院降下郊祀大禮添用金輅等
合行修潤導引鼓吹詞曲除已修潤到六州歌頭一面
進呈奉御寶批依

詳見鼓吹
門

中興禮書第二十九卷

吉禮二十九

郊祀門禁

高宗紹興十三年八月十日禮部太常寺言契勘在京
遇大禮其太廟并圓壇行禮并依儀用丑時七刻內景
靈宮行禮俟開皇城門以俟車駕詣景靈宮所有今來
郊祀大禮并前一日朝饗太廟時刻欲乞并依在京禮
例內詣景靈宮行禮日乞是日早二刻開行宮門詔依
二十六日禮部太常寺言昨紹興十年明堂大禮前二
日奏告太祖皇帝太宗皇帝室又當日係朝獻景靈宮
行禮日分其所差行事官并祇應人禮畢并合赴赴景
靈宮行禮立班係令太廟奉安所候行禮畢即時開門

放出行事官并祇應人等赴赴行禮立班祇應俟行事官等出門訖即時關閉所有今來郊祀大禮前二日奏告亦係於景靈宮行禮同日今欲乞令太廟奉安所候奏告畢依前項禮啟閉施行詔依

九月四日禮部太常寺言將來郊祀大禮前一日朝饗太廟行事欲乞於丑時七刻前五刻開太廟櫺星門放令行事執事官并應奉人赴赴立班行事應奉詔依二十二日禮部太常寺言昨紹興十年明堂大禮前十日受誓戒於尚書省并太廟齋坊是日各合五更一點開門及逐處合用幕次什物拜席燈燭等係下臨安府同儀鸞司釘設排辦所有今來郊祀大禮欲乞依禮例施行詔依

十月十三日禮部太常寺言今參酌到下項 一將來郊祀大禮前二日朝獻景靈宮其執事人五更合先赴殿內鋪設排辦今欲乞於十一月六日五更初開景靈宮門并殿門放令執事人赴殿內鋪設排辦及令行事執事等官趁赴立班行事所有幕次內合用燈燭炭火乞令臨安府同儀鸞司排辦 一十一月八日郊祀大禮同日分祀九宮貴神分祭太社太稷其所差行事并祇應人并合前一日絕早守錢湖門赴惠照院齋宮省饌宿齋至日行事又緣當日係車駕出詣青城日分竊慮鎖閉錢湖門今欲乞於十一月七日絕早候前項行事官祇應人到開門放令趁赴省饌致齋行事詔依

興十五年於城
內修建社稷壇

二十二日大內鑰匙庫言契勘將來郊祀大禮車駕詣大慶殿宿齋日并景靈宮太廟青城行禮日其臨安府諸城門最為緊切本庫今隨宜參照有司申請比擬下項 一大慶殿宿齋日諸城門并依時給鑰開門放人入出至申時鎖閉 一太廟宿齋行事日除涉侯潮崇新餘杭豐豫門並依時給鑰開門放人入出至申時鎖閉仍於殿前司量差官兵守把其餘門戶權行鎖閉 一青城宿齋行禮日除侯潮利涉門於五更初給鑰開門並搭關掩亞侯見先次趕赴圓壇排辦應奉祇應大禮事務人物到門暫開放令入出外餘人并不許入出至申時鎖閉內錢湖門是日依太常寺申請依侯潮門早開放令祭太社太稷行事官祇應人趕赴惠照院宿

齊行事候出絕即時鎖閉仍於殿前司差官兵守把其餘門戶并權行鎖閉詔依

二十五日禮部太常寺言郊祀大禮前一日朝饗太廟已降指揮禮畢車駕乘玉輅由皇城南北門詣青城契勘是日合於車輅前排列儀仗法物并應奉官司并合先次趨行今欲乞於十一月七日比常日早二刻開皇城南北門并南北宮門放令執擎儀仗人兵及應奉官司等先次趨行免致擁遏有其餘不係奉官司亦各有先赴青城排辦事務乞是日比常日早五刻開候潮門并利涉門放令入出往來詔依

二十六日禮部言准都省批下閣門狀勘會已降指揮太廟行禮畢車駕自太廟門外乘玉輅入行宮北門由

大內出行宮南門並青城是日並許騎導騎從臣僚隨
玉輅導從勘會至時應奉臣僚等亦合隨從欲乞朝廷
詳酌依騎導騎從官已降指揮許經由皇城門并宮門
騎從所有帶入皇城門初號從人欲乞許隨馬經過送
禮部下太常寺看詳本寺尋開會問門稱應奉臣僚等
係管軍知閣御帶入內侍兩省都知副都知押班御藥
門內司侍官隨駕百司應奉官三省樞密院諸房隨駕
合乘騎之人今看詳欲依閣門所申詔依

十六年十月二十二日大內鑰匙庫言契勘今東郊祀
大禮車駕詣大慶殿宿齋日并景靈宮太廟青城行事
日在內諸門及臨安府諸城門經由去處最為緊切本
庫今參照紹興十三年郊祀大禮本庫申奏到已降指

揮體例比擬欲依下項 一在內諸門大慶殿宿齋日
除皇城南北東華門並依時鎖閉外內垂拱殿南北宮
門內軍器庫門遇夜並權留搭閤擺鎖俟見提舉禁衛
等官及應奉官應奉人到許暫開放入出 一景靈宮
行禮并詣青城日並依太常寺申請指揮是日早二刻
開在內諸門早二刻給鑰如遇官司別有申請早刻開
門即依指揮施行 一太廟并青城宿齋日其大內諸
門本庫依例赴內東門轉牌給鑰開閉外晝日並權行
掩亞放人入出如主管大內公事所別有申請指揮即
依申請施行 一太廟并青城行事日其逐處門戶如
官權設置皇城宮殿門閤送到鑰匙赴庫收掌發放乞
前期開送赴庫內宮殿門過夜并權留搭閤擺鎖俟見

提舉禁衛等官陪祠應奉官應奉人到許暫開放入出
其至夜太廟丑時七刻行事即依太常寺紹興十三年
郊祀大禮指揮前五刻給鑰開諸門并圓壇丑時七刻
行事前三刻給鑰開門 一大慶殿太廟青城宿齋日
遇夜取索大內本庫見管垂拱殿南北宮門內藏庫內
軍器庫夾道門皇城南北東華門及逐處門戶並諸城
鑰匙開閉門戶乞直降御寶劄子付大內本庫并逐門
吏部差定掌鑰使臣及隨從本庫恭依施行 一大慶
殿太廟青城宿齋其日本庫官將帶合千人早晚及遇
夜赴齋殿門轉奏依時開閉在內諸門牌祇備權甬門
戶并轉奏行事等早刻開門牌係經由宮門今來宮門
已有申請指揮遇夜并權留如到彼許暫開放今本庫

官吏等入出 一大慶殿太廟青城宿齋日令殿前司
量差官兵守把本府諸城門其青城行禮畢日車駕還
內是日五更初給鑰開利涉新門候潮門放人入出
一本庫依令每日申時赴通進司請火赴庫停留照驗
發放在內并諸城門鑰匙至天明洒熄其通進司將來
盡行赴太廟青城宿直本庫即無請火去處欲乞大
慶殿宿齋日為始赴通進司請火赴庫晝夜權留兩日
照驗發放鑰匙事畢日依舊 一太廟青城宿齋日本
庫係於逐處宮門裏置庫乞令儀鸞紋縛幕次屋二間
權行置庫官吏等應奉止宿并赴隨行通進司請火赴
庫停留照驗發放鑰匙詔依已后郊祀大內鑰匙庫
此擬奏降指揮並同此
十九年六月二十二日都省劄子勘會今來郊祀大禮

合行排辦事務與前次大禮事體一同六月二十二日
奉聖旨並依紹興十六年已降指揮施行太常寺勘會
將來十一月十四日郊祀大禮除分祭太社太稷係在
城裏本壇行事外所有同日分命九宮貴神行事官祇
應人並令前一日守錢湖門赴惠照院齋宮依已降指
揮體例至日候行事官祇應人到即時開門放令趕赴
省饌致齋行事建九宮貴神壇自紹興二十一年
于東青門外長生院修建
二十二年十一月三日大內鑰匙庫奏車駕詣青城日
絕早開東青門放行事官祇應人赴長生院致齋候出
絕即時鎖閉詔依

二十八年十月四日禮部太常寺言勘會每遇郊祀大
禮太廟行禮畢皇帝自太廟櫺星門外升玉輅入行宮

北門由大內出行宮南門係早二刻開其利涉門早五刻開至青城齋殿門外降輅近據臨安府申降到指揮今來郊祀大禮聖駕親郊由新路直抵郊壇所有五路大象亦合經行新路契勘十一月二十二日南北皇城門并宮門更不早開外所有利涉門令改作嘉會門乞依已降指揮比常日早五刻開門放令執擎儀仗人及應奉官司入出往來排辦詔依

淳熙二年十二月三日太常少卿顏度丞黃洽博士許蒼舒言契勘大祀前十日尚書省受誓戒其行事官等自來多於五更受尚書省門入赴幕次以俟立班其逐幕次內各有點照燈燭炭火近准三省樞密院都門照皇城門開放人出入檢照五禮新儀受誓戒曰質明贊

者引行事執事官就位立定讀誓比之皇城門開時差
早一二刻今來緣坊護火燭欲乞至日比常開門時早
開二刻庶得燈火時暫存留便可洒息詔依

中興禮書第三十卷

吉禮三十

郊祀祝冊表文祝文一

紹興十三年八月七日禮部太常寺言勘會紹興十年明堂大禮焚瘞祝冊幣帛係差監焚瘞內侍官同祠祭官監視照管焚瘞盡淨方許親事官洒熄所有今來郊祀大禮前二日朝獻景靈宮焚燎祝冊幣帛俯近廊屋欲迄依上件禮例仍迄從景靈宮多備水器差人簇備洒熄其合用焚燎柴草灰火報景靈宮並皇城司照會放入詔依

九月二日禮太部常者言今來郊祀大禮前一日朝饗太廟依議設七祀位於殿下差官行禮合用祝文一首

述以今年十一月冬至日有事于南郊
前一日朝饗太廟差官祀七祀之意
乞令學士院修

撰書寫訖降付太常寺詔依

微自後此

十四日禮部太常寺言今來郊祀大禮前二日朝獻景
靈宮侍從官詣祖宗帝后神御前分詣行禮依禮例係
神御殿各用祝文緣今來景靈宮與在京殿分不同欲
乞中殿祖宗諸帝位用祝文一首後殿元天大聖后用
青詞一首諸后用祝文二首
並述以郊祀大禮前二日朝獻差官分詣行禮之意
並乞下學士院修撰書寫進書訖降付太常寺詔依

此微

十月九日禮部太常寺言將來郊祀大禮同日分命九
宮貴神並分祭太社太稷及前一日較祭利涉門所有
逐處合用祝文乞令學士院修撰書寫進書內利涉門

祝文更不進書詔依

自後敕此詔與二十八年

十五日禮部太常寺言今來郊祀大禮并前二日朝獻

景靈宮前一日朝饗太廟合用冊文一十六首今具下

項 一前二日朝獻景靈宮冊文一首

述以為郊祀大禮前二日朝獻

之意 一前一日朝饗太廟冊文一十一首

述以為郊祀大禮前一

日朝饗之意

一郊祀大禮冊文四首

述以郊祀以上並

下學士院修撰書寫進書訖降付禮部詔依

自後敕此

皇太后乾道元年大禮改作冊文

十六年十月八日禮部言將來郊祀大禮合用祝冊自

來太廟行禮畢祝冊并匣交付奉安所收掌今來太廟

已修蓋殿室將來太廟行禮畢所以祝冊并匣欲令奉

安所依在京例交割入太廟東夾室收藏今後依此詔

依

淳熙十二年七月十三日內侍杜戡傳奉聖旨指揮今
來郊祀大禮并前二日朝獻景靈宮前一日朝饗太廟
行禮可並依此施行讀冊官讀至御名勿興壇殿上下
徹去黃道裋褐入壇殿門不張蓋百官不得回班御繚
從物織扇更不入壇殿行禮前衛士不起居呼萬歲黃
羅拜褥并飲福黃羅拜褥并改用緋逐郊係有司申明
自是傳宣直降付太常寺

紹興十三年御札降奏告天地宗廟社稷諸

陵攢官祝文表文

詞並同以後奏告稱
呼違官跋尾並做此

維紹興十三年歲次癸亥六月丙戌朔二十七日壬子
嗣天子臣某伏為今年冬至日有事於南郊謹遣某官

臣姓名敢昭告於昊天上帝伏以寵膺歷數作民君師
肆因長至之辰躬伸大報之禮合祭天地配以祖宗既
出命而戒期敢蠲吉而昭告尚饗

上辛祈穀祀上帝

祀祭天地視文稱
呼遣官跋尾並同

維某年歲次月朔日辰嗣天子臣某謹遣某官臣姓名
年月日辰遣官
並臨期填寫敢昭告于上帝斯民之生實賴嘉穀亦

有高康國乃乂安^改伸虔誠仰祈昭貺謹以嘉玉量幣牲
齊粢盛庶品恭陳明薦以太宗至仁應道神功聖德文
武睿烈大明廣孝皇帝配神作主尚饗

太宗皇帝配侑

祀祭天地視文
稱呼遣官跋尾並同

維某年歲次月朔日辰孝曾孫嗣皇帝臣某謹遣某官
臣姓名敢昭告於太宗^日前爰以上辛祈穀祀上帝惟

太宗大明繼照利澤在民燕我後昆無有窮已率興嗣

載賚及萬邦謹以量幣牲齊粢盛庶品恭陳明薦作主

侑神尚饗松按永樂大典第一萬九千六百三卷載事

此上幸新封祀上帝前二日奏告太廟皇帝一室七奏

告祝文相呼道官並同維某年歲次月朔日辰奉

仁恩道神功聖御名謹遣某官臣姓名敢昭告于太宗至

侑神作主先事祇告寔維舊章謹以量幣清酌嘉薦恭

孟夏雩祀上帝昊天上帝

時事之薦乾象是因龍見而雩率用常祀貽我嘉穀惟

天之休

太宗皇帝配侑

太宗謚致爰以孟夏祀於昊天上帝惟太宗澤及四方

功施萬世宜有繁祉以裕後昆格此裡誠穀我士女

秋季祀上帝

上帝總攝化元主張歷數眷我列聖申命後昆屬茲秋
成敢忘時祀

太宗皇帝配侑

太宗

諡號
曰前號

爰以季秋祀于上帝惟太宗功侔藝祖德合

昊穹啟我後人克保神器載伸嚴祀徼福方來

冬至祀昊天上帝

昊天上帝鑒觀在上昭事有儀屬茲履長敢忘嘉薦仰
祈茂祉大庇含生謹以玉帛牲齊粢盛庶品恭陳明薦
以太祖起運立極英武睿文神德聖功至明大孝皇帝
配神作主尚饗

太祖皇帝配侑

太祖

同前

爰以冬至祀昊天上帝惟太祖受命造邦奄

有區夏配天立極敷佑下民乃舉舊章相茲裡祀

皇地祇祝文

紹興十三年歲次癸亥六月丙戌朔二十七日壬子朔

天子臣某伏為今年冬至日有事於南郊謹遣某官臣

姓名敢昭告于皇地祇

詞同前

尚饗

宗廟祝文

維紹興十三年癸亥六月丙戌朔二十七日壬子孝曾

孫嗣皇帝臣某伏為今年冬至日有事於南郊謹遣某

官臣姓名敢昭告於禘祖立道肇基積德起功懿文憲

武睿和至孝皇帝上饗

翼祖簡恭睿德皇帝

並同前

宣祖昭武睿聖皇帝 太祖啟運立極英武睿文神德
聖功至明大孝皇帝 太宗至仁應道神功聖德文武
睿烈大明廣孝皇帝 真宗膺符稽古成功讓德文明
武定章聖元孝皇帝 皇高祖考仁宗赫天法道極功
全德神文聖武睿哲明孝皇帝 皇曾祖考英宗體乾
膺歷隆功盛德憲文肅武睿神宣孝皇帝稱孝曾孫嗣
皇帝臣某皇祖考神宗體元顯道法古立憲帝德王功
英文烈武欽仁聖孝皇帝稱孝孫嗣皇帝臣某皇伯考
哲宗憲元繼道世德揚功欽文睿武齊聖昭孝皇帝稱
孝姪嗣皇帝臣某 皇考徽宗體神合道駿烈遜功聖
文仁德憲慈顯孝皇帝稱孝子嗣皇帝臣某

太社太稷祝文

太稷
詞同

維紹興十三年歲次癸亥六月丙戌朔二十七日壬子
嗣天子某伏為今年冬至日有事於南郊謹遣某官臣
姓名敢昭告于太社詞同尚饗

諸陵表文

以前同
以後稱呼並倣此

臣某言伏為今年冬至日有事於南郊

詞同

謹遣某官

臣姓名奉表奏告以聞

臣某誠惶誠恐頓首頓首謹言

紹興十三年六月日孝曾孫嗣皇帝臣某上表 永

安陵

宣祖皇帝

昭憲皇后

永昌陵

太祖皇帝

孝惠皇后

孝明皇后

孝章皇后

章懷皇后

永熙陵

太宗皇帝

淑德皇后

懿德皇后

明德

皇后

元德皇后

章穆皇后

永定陵

真宗皇帝

章獻明肅皇后

章懿皇后

章惠皇后

永昭陵

仁宗皇帝 宣仁聖烈皇后 稱孝曾孫嗣皇帝臣
某 永裕陵 神宗皇帝 欽聖憲肅皇后 欽成皇后
欽慈皇后 顯恭皇后 稱孝孫嗣皇帝臣某內顯恭
皇后合稱孝子嗣皇帝臣某 永泰陵 哲宗皇帝
昭懷皇后 稱孝姪嗣皇帝臣某 一奏告昭慈聖獻皇
后橫宮表文 昭慈聖憲皇后 稱孝姪嗣皇帝臣某
永祐陵橫宮表文 徽宗皇帝 顯肅皇后 稱孝子嗣
皇帝臣某

懿節皇后橫宮祝文

維紹興十三年歲次月朔日辰皇帝為今年冬至日有
事于南郊恭遣某官臣姓名昭薦于懿節皇后詞同尚
饗

五嶽四海四瀆祝文

係路未通去處行在設
以後稱呼遣官跋尾並

此做

維紹興十三年歲次癸亥八月己酉朔八日壬辰皇帝
某伏為今年冬至日有事于南郊謹遣某官姓名敢昭
薦于東嶽天齊仁聖帝伏以諏日迎長就陽肇祀惟茲
海嶽之望昔在邦域之中既戒前期敢忘潔告尚饗

西嶽金天順聖帝 北嶽安天元聖帝 中嶽中天崇

聖帝 東海助順淵聖廣德王

自乾道六年降香祝
于明州行礼

西海通聖廣潤王 北海冲聖廣澤王 東瀆大淮長

源王 西瀆大河顯聖靈源王 北瀆大濟清源王

詞同

前

南嶽南海南瀆祝文

係路未通去處
降前去處

南嶽司天昭聖帝伏以南極迎長圓丘肇祀將合袞于天併望秩于山川既戒前期敢伸昭告南海昭順洪聖廣利威顯王 南瀆大江廣源王

詞並同前

前二日奏告太祖皇帝 太宗皇帝配侑祝

文

維紹興十三年歲次癸亥十一月癸丑朔六日戊午孝曾孫嗣皇帝臣某伏為今年冬至日有事南郊前二日奏告配佑謹遣某官臣姓名敢昭告于太祖啟運立極英武睿文神德聖功至明大孝皇帝伏以諏長景至肇祀國陽率三歲之彌文合兩儀之美報禮崇嚴配神用顧歆敢竭孝思虔伸前告尚饗太宗至仁應道神功聖德文武睿烈大明簡孝皇帝

詞同前

前二日朝獻景靈宮聖祖天尊大帝冊文

以後

科呼跋尾並做此

紹興十三年歲次癸亥十一月癸丑朔六日戊午嗣皇帝臣某謹再拜稽首上啟聖祖上靈高道九天司命保生天尊大帝伏以祚啟皇圖運憑仙系世有明哲施及眇冲獲執璧琮恭禮天地具循舊典祇獻貞筵謹言

分詣元天大聖后青詞

以後科呼連官跋尾並做此

維紹興十三年歲次癸亥十一月癸丑朔六日戊午嗣皇帝臣某伏為郊祀大禮前二日朝獻景靈宮分詣謹遣某官臣姓名謹上啟元天大聖后伏以夙揆天正恭修郊見先祇款于原廟式終舉于上儀仰冀貞靈俯垂監祐無任懇禱之至謹詞

分詣祖宗帝后神御祝文

以後禋祀呼道官

維紹興十三年歲次癸亥十一月癸丑朔六日戊午孝
曾孫嗣皇帝臣某伏為郊祀大禮前二日朝獻景靈宮
分謹遣某官臣姓名敢昭告于宣祖皇帝 太祖皇帝
太宗皇帝 真宗皇帝 仁宗皇帝 英宗皇帝 神
宗皇帝 哲宗皇帝 徽宗皇帝伏以夙揆天正恭修
郊見先祇歎于原廟式終舉于上儀伏惕孝思冀垂靈
鑒尚饗

諸后祝文 昭憲皇后 孝明皇后 懿德皇后 明德

皇后 元德皇后 章明穆皇后 章獻明肅皇后

章懿皇后 慈聖光憲皇后祝文一首 詞同 宣仁聖烈

皇后 欽聖憲肅皇后 欽成皇后 欽慈皇后 昭慈

聖獻皇后 昭懷皇后 顯恭皇后 顯肅皇后祝文

一首 詞同

前一日朝饗太廟祖宗帝后冊文 以後科

此

維紹興十三年歲次癸亥十一月癸丑朔七日己未孝
曾孫嗣皇帝臣某敢昭告于僖祖立道肇基積德起功
懿文憲武睿和至孝皇帝 文懿皇后崔氏伏以天永
炎歷世有哲王肆于冲人獲纂丕序爰卜景至祇見昊
穹先事禋祿將用嚴孝饗謹以嘉王量幣一元大武柔毛
剛鬣明粢薌合薌奠嘉蔬嘉薦式陳明薦尚饗 同
祖簡恭睿德皇帝 簡穆皇后劉氏 宣祖昭武睿聖
皇帝 昭憲皇后杜氏 太祖啟運立極英武睿文神

德聖功至明大孝皇帝 孝惠皇后賀氏 孝明皇后
王氏 孝章皇后宋氏 太宗至仁應道神功聖德文
武睿烈大明廣孝皇帝 淑德皇氏尹氏 懿德皇后
符氏 明德皇后李氏 元德皇后李氏 貞宗膺符
稽古成功讓德文明武定章聖元孝皇帝 章懷皇后
潘氏 章穆皇后郭氏 章獻明肅皇后劉氏 章懿
皇后李氏 皇高祖考仁宗體天法道極功全德神文
聖武睿哲明孝皇帝 皇高祖妣慈聖光獻皇后曹氏
皇曾祖考英宗體乾膺歷隆功盛憲文肅武睿神宗
孝皇帝 皇曾祖妣宣仁聖烈皇后高氏稱孝曾孫嗣
皇帝臣某皇祖考神宗體元顯道法古立憲帝德王功
英文烈武欽仁聖孝皇帝 皇祖妣欽聖憲肅皇后向

氏 欽成皇后朱氏

乾道六年三月九日詔欽成皇后

呼稱皇祖妣欽慈皇后陳氏稱孝孫嗣皇帝臣某 皇伯

考哲宗憲元繼道世德揚功欽文睿武齊聖昭孝皇帝

皇伯妣昭慈聖獻皇后孟氏 皇伯妣昭懷皇后劉

氏稱孝姪嗣皇帝臣某 皇考徽宗體神合道駿烈遜

功聖文神德憲慈顯孝皇帝 皇妣顯恭皇后王氏

皇妣顯肅皇后鄭氏稱孝子嗣皇帝臣某

分詣別廟祝文

以後稱呼道官跋尾並詞並做此

維紹興十三年歲次癸亥十一月癸丑朔七日己未皇

帝恭遣某官姓名昭薦于懿節皇后邢氏時屆新陽禮

嚴元祀永懷警戒之助教敢忘薦饗之勸尚冀明靈式

歆豐潔謹以量幣柔毛剛鬣明粢薌合薌箕嘉蔬嘉薦

清酌以修彝典尚饗太廟

七祀祝文

以後稱呼並做此

維紹興十三年歲次癸亥十一月癸丑朔七日己未皇帝伏為今年十一月冬至日有事于南郊前一日朝饗太廟謹遣某官姓名恭祭于司命 戶 竈 中雷 門 厲行伏以肇禋陽郊先事世事方行列聖之饗必嚴七祀之詞惟爾有神相與盛禮尚饗

昊天上帝祝文

以後稱呼並做此

維紹興十三年歲次癸亥十一月癸丑朔八日庚申嗣天子臣某敢告於昊天上帝伏以上圖孚佑寶命維新俾堪多難克嗣大歷爰諏景至肆類國陽敢罄微誠用昭美報謹以玉帛犧齊粢盛庶品肅恭禋祀式展誠欽

太祖啟運立極英武睿文神德聖功至明大孝皇帝太宗至仁應道神功聖德文武睿烈大明廣孝皇帝配神作主尚饗

皇地祇冊文

維紹興十三年歲次癸亥十一月癸丑朔八日庚申嗣天子臣某敢昭告于皇地祇伏以於赫富媪上配泰元資始而生承運而處合袪並祀禮典有常仰祈宴娛丕錫祉福謹以玉帛犧齊粢盛庶品肅恭禋祀式展誠欽太祖啟運立極英武睿文神德聖功至明大孝皇帝一太宗至仁應道神功聖德文武睿烈大明廣孝皇帝配神作主尚饗

太祖皇帝冊文

以後稱此

維紹興十三年歲次癸亥十一月癸丑朔八日庚申孝
曾孫嗣皇帝臣某敢昭告于太祖啟運立極英武睿文
神德聖功至明大孝皇帝伏以受天明命造我有邦施
及渺冲恭承禋祀長至之日大旅于郊推本修功式嚴
崇配謹以制幣犧齊粢盛庶品肅恭明薦侑神作主尚
饗

太宗皇帝冊文

維紹興十三年歲次癸亥十一月癸丑朔八日庚申孝
曾孫嗣皇帝臣某敢昭告于太宗至仁應道神功聖德
文武睿烈大明廣孝皇帝伏以誕膺大命繼率代功於
變丕平大修厥後肆纂皇序祇見郊丘載謹合祛用伸
並侑謹以制幣犧齊粢盛庶品肅恭明薦侑神作主尚

饗

分祭太社太稷祝文

闕

分命九宮貴神文祝

以後稱呼違宮
並做此

維紹興十三年歲次癸亥十一月癸丑朔八日庚申祠
天子某謹遣某官臣姓名敢昭告于太一貴神伏以夙
諏長至祇見上圓神莫貴於飛基禮特嚴于列祀敢陳
方薦庶集冲釐謹以玉帛牲齊粢盛庶品恭陳明薦于
神尚饗 攝提貴神 權星貴神 招搖貴神 天符
貴神 青龍貴神 咸池貴神 太陰貴神 天一貴
神同並

郊祀大禮畢奏謝諸陵表文

陟圓丘而昭報熙事備成荷上帝之博臨休應顯見敢

云能饗食實賴詒謀爰竭忱誠恭陳嘉薦仰監觀之在上真保佑于無窮

昭慈聖獻皇后橫宮永佑陵橫宮表文闕
懿節皇后橫宮祝文

屬者躬即圓丘祇見上帝禮樂明具神祇嘉虞顧克就于鴻儀諒有繫於陰相並昭靈監永祚邦休

五嶽四瀆四海祝文

肇禋吉土祇見上穹眷維嶽瀆之靈海神云海嶽之靈寔會風

雲之馭鴻儀備飭陰助休成敢薦徽芳用伸精報

南嶽南海南瀆祝文闕

南鎮會稽山永濟王祝文係在後興府齊降

宮設尾並做此

維紹興十三年歲次月朔日辰皇帝某伏為郊禮大禮
禮畢祭謝謹遣某官臣姓名敢昭薦于南鎮會稽山永
濟王伏以夙諏景至祇事國陽眷維靈山作鎮南土肆
此上儀之就實繫陰相之休敢薦徽芳用昭精報尚饗
十六年御札降奏告天地宗廟社稷諸陵表
文詞並同

順迎至日躬款泰壇豫申飭于攸司俾各恭于乃職潔
蠲以告祇率舊神

天慶觀報恩光孝觀青詞

維紹興十六年歲次丙寅六月己未朔二十四日戊午
嗣皇帝臣某伏為今年十一月十日謁款于南郊謹遣
某官臣姓名謹上啟聖祖上靈高道九天司命保生天

尊大帝伏以躬三歲之明禋對兩儀之景貺恪尊彝典
預戒庶工敢以前期用伸潔告覲俯垂於靈監蒙孚佑
于精誠無任懇禱之至謹詞上教恩光孝概元始天尊大
德皇帝并同前

五嶽四海四瀆祝文

備舉上儀聿修禋祀褒百神而咸秩飭庶職以惟嚴已
戒前期用伸昭告

前二日奏告太祖皇帝太宗皇帝配侑祝文
洪維神聖合德兩儀祗祓郊丘禮嚴陟配肅陳明薦敢
告前期仰祈鑒臨克成熙事

前二日朝獻景靈宮聖祖天尊大帝冊文

仙源流慶丕祚有聞猥以渺躬獲承寶系將展精禋之

祀預伸薦獻之誠恭覲監觀永垂道廢

分詣元天大聖后青詞

順迎至景祇振泰壇永惟祚裔之承敢怠齋明之薦仰
祈慈蔭俯鑒丹誠用克相于盛儀俾寢昌于丕緒

分詣祖宗帝后神御祝文

續承寶命寅奉明禋將嚴事于中壇肆薦誠于原廟仰
祈歆懌俯鑒精衷

前一日朝饗太廟祖宗帝后冊文

合祛天地登侑祖宗燔柴將舉于陽郊裸鬯式將于清
廟仰祈歆顧默相上儀庶格絡純休均福黎庶

太廟七祀祝文

祇歆紫壇前饗清廟典禮具嚴于七祀薦修歲秩于諸

神尚祈格思相慈釐事

輟祭利涉門祝文

以後林呼遶宮
跋尾並做此

維紹興十六年歲次丙寅十一月丁卯朔九月乙亥皇帝遣某官臣姓名致祭于利涉門神伏以饗地于郊載嚴大輅輟之祭祇率禮經惟爾有神尚其相佑尚饗

昊天上帝冊文

皇矣上帝照臨四方眷佑有邦是膺寶命達于冲渺獲奉精禋祇荷宏休敢忘美報

皇地祇冊文

至哉坤厚德合無疆饗帝于郊禮嚴並祀顧惟良菲獲佑柔祇祇率舊章式昭美報

太祖皇帝冊文

誕膺駿命肇造家邦德厚流光與天無極禮嚴陟配茲率典常

太宗皇帝冊文

於皇聖德繼纂邦圖燕翼後昆獲承大祭稽合典禮並祀郊裡仰與鑒臨俯垂庇祐

分祭太社太稷祝文

以後稱呼遣官跋尾並依凡太稷祀同

維紹興十六年歲次丙寅十一月丁卯朔十日丙子嗣天子某謹遣某官臣姓名敢昭告于太社伏以惟土與穀神實司之壇壝崇城于國之右巖恭裡祀祗薦忱誠茲率典彝尚祈歆懌謹以玉帛牲齊粢盛庶品恭陳明薦以土正勾龍氏配神作主尚饗

土正勾龍氏祝文

後氏曰

維紹興十六年歲次丙寅十一月丁卯朔十日丙子皇帝某謹遣官臣姓名敢昭薦于土正勾龍氏伏以測景迎長燔柴稱祀惟神配食社稷利養羣生分命薦誠唯祈昭答謹以量幣牲齊粢盛庶品恭陳明薦作主侑神尚饗

分命九宮貴神祝文

奉祀設壇祭以四孟隨歲飛位時惟貴神大報郊丘靡神不舉式陳明薦分命惟虔尚其相休福此黎庶

郊祀大禮畢奏謝諸陵表文

闕

昭慈聖憲皇后並永祐陵橫宮表文

丕承聖緒獲奉郊禋惟典禮之聿修荷神靈之降祐用伸昭謝祇薦吉蠲仰慈範以如存望佳城而永慕

懿節皇后橫宮祝文

饗帝于郊既嚴大報追懷淑德陰相家邦眷茲禮成敢
忘昭薦

五嶽四海四瀆祝文

閔

南嶽南海南瀆祝文

山嶽以安養為德海瀆以善利為功歲時奉祠秩諸典
禮泰壇歲事丕格三靈惟神相休用伸昭報

南鎮會稽山永濟王祝文

眷言名山作鎮南服欽奉精禋之祀允資陰相之休嘉
薦肅陳用伸昭報

中興禮書第三十一卷

吉禮三十一

郊祀祝冊表文祝文一

紹興十九年御札降奏告天地祝文

闕

太廟祝文

迎日就陽配天報本舉秩元祀述稽舊章將事有期敢先以告

別廟祝文

誕膺明命祗守丕圖謁歎南郊涓剛至日先期以告式示至虔

太社太稷太一宮天慶觀報恩光孝觀諸陵
昭慈聖獻皇后橫宮永祐陵橫宮五嶽四海

四瀆祝文表文青詞

並闕

前二日奏告太祖皇帝太宗皇帝配侑祝文
洪維聖神道參儀育赫赫謨烈啟佑後人大報于郊有
嚴陟配先期以告用荐忱誠

前二日朝獻景靈宮聖祖天尊大帝元天大
聖后祖宗諸帝后冊文青祠祝文

並闕

前一日朝饗太廟祖宗帝后冊文

皇天眷佑聖聖相承施及渺躬獲纂丕緒兵戢刑省年
穀屢登乃涓剛辰類于上帝先祀清廟以薦忱誠

太廟七祀報祭嘉會門昊天上帝皇帝地祇太
祖太宗太社太稷九宮貴神冊文祝文

並闕

太禮畢祭謝諸陵昭慈聖顯皇后櫨宮永祐

陵橫宮五嶽四海四瀆南鎮會稽山神表文

祝文

並同

二十三年御九降奏告天地祝文

承高厚之休敢忘美報舉合祛之典載庀攸同迎至景
于天正展親祠于郊時夙伸昭告仰冀懋臨

太廟祝文

欽承謨烈備飭儀章迎至日以欽柴即先期而裸鬯預
伸祝告敢冀監知

別廟祝文

迎至之日考郊之年清廟紫壇是饗是祀緬維靈懿必
監祐之

太社太稷祝文

國之禮惟天地之祀宗廟之饗社稷之祭為大今將迎一陽之氣欽柴天地而禘將祖宗亦將嘉薦令芳使攸司報於土穀之大神祇戒精專其敢不告

太一宮祝文

以後稱呼並改此

維紹興二十二年歲次壬申七月甲午朔十日癸卯朔天子臣某伏為今年十一月十八日有事于南郊謹遣某官臣姓名敢昭薦于五福太一君某太一太遊太一天一太一地一太一四神太一臣某太一民某太一直符太一伏以飾曾觚之壇將修元祀歟飛某之宇夙告貴神俯伸祇戒之誠上達高明之鑒克成熙事益介多祥尚饗

天慶觀報恩光孝觀諸陵昭慈聖獻皇后橫

宮永祐陵橫宮青詞表文祝文

並

五嶽四海四瀆祝文

合祛天地望秩山川將迎至景之長以歲親事之大普
祈歆顧夙告忱辭

前二日奏告太祖皇帝太宗皇帝配侑祝文
祀天園丘侑以祖宗有天下國家者之大禮也茲率舊
章迎至景以合祛天地於南郊惟藝祖太宗功德高于
億世配神作主禮莫備焉敢于先期而伸昭告

前二日朝獻景陵宮聖祖天尊大帝冊文

欽惟聖祖道兼于天基命萬年作宋神主天正迎吉夙
修朝獻監昭臨赫福祿來崇

分詣元天大聖后青詞

禮祀昊天朝獻貞祖惟元天之藁御儼景靈之寶庭式
薦令芳仰祈歆顧

分詣祖宗帝后神御祝文

禮祀昊天朝獻貞祖欽惟烈聖並拱殊庭誠有所專將
展太宮之裸鬯禮從其稱先命有司而侍祠聖聖繼承
積厚流光施及冲眇紹聞純武既興用乂穆臨天正裸
鬯清廟於昭孝饗惠我無疆

太廟七祀祝文

郊歲冬禮廟嚴朝饗惟時七祀羣姓所依用秩嘉祠類
迎和氣

輓祭利涉門祝文

饗帝于郊天子親往千萬騎星陳雲行祀輓之祭式循

嚴報祀於穆寶命申錫無疆

皇地祇冊文

至哉后土博厚無疆效法于天並佑我宗至景迎長合
祛裡祀順臨迪饗永錫蕃釐

太祖皇帝冊文

思文皇祖克配彼天受命造邦百世蒙烈茲迎至景欽
柴泰壇侑饗明裡與帝並況

太宗皇帝冊文

廣聲紹德正域四方配祖為宗詒燕百世茲歲郊裡禮
嚴並侑在帝左右降福其同

分祭太社太稷祝文

太稷祀同

奉乾祇之方歲合社尊土穀之神爰修特祀敢祈歆饗

永錫順成匪今斯今報禮亡極

土正勾龍氏祝文

后稷氏同

社稷之禮次于郊廟勾姓之績施于土穀茲屬大報用修佑祠永錫康年惠我忱禱

分命九宮貴神祝文

奉璧玉以見上帝方展忱誠通燿火以祀貴神具修特禮飛基昭鑒錫美延洪永御家邦益昌祚嗣

郊祀大禮畢奏謝昭慈聖獻皇后并永祐陵
橫宮表文

嗣膺丕業祇率燕謀協會康年肅陳報祀薦盛牲于左廟奠嘉玉于中壇天地並臨祖宗來格茂對無疆之址益歆不已之誠載貢忱辭以伸昭謝

諸陵懿節皇后橫宮祝文表文

並

五嶽四海四瀆祝文

合祛元祀承皇天后土之尊咸秩彌文褒喬嶽滄河之對海云滄河之對既荷靈旂之格迄臻熙事之成敢薦謝誠益祈歆祐

南鎮會稽山永濟王祝文

禋饗乾祗類詞嶽鎮仰荷靈旂之格迄臻熙事之成敢薦忱辭以伸昭謝

二十五年御札降奏告天地宗廟社稷太一

宮祝文

詞並

荷帝降康宅師用乂將候一陽之復聿修大報之嚴已戒攸司預伸虔告

別廟祝文

祇率舊章恭修大報消剛至日將歟圓壇已戒攸司敢先以告

天慶觀報恩光孝觀青詞

候一陽之景至修三歲之異儀將謁歟于紫壇茲薦誠于琳館先期以告式表至虔

諸陵並昭慈聖獻皇后櫝宮永祐陵櫝宮表

文

詞並同

祇紹丕圖恭修元祀奉豐盛于左廟薦嘉玉于中壇將有事期敢先以告

懿節皇后櫝宮祝文

闕

五嶽四海四瀆祝文

荐格歲祥將修郊報既康神之不舉敢望秩之或稽已
戒攸司敢伸昭告

南嶽南海南瀆祝文

丕緝彌文稱秩元祀候黃鍾之初氣升柴燎之明禋已
戒攸司預伸昭告

前二日奏告太祖皇帝太宗皇帝配侑祝文
涓辰景至肆祀國陽聿修三歲之彌文丕講一純之大
報禮嚴陟配國有舊章敢竭孝思式伸前告

前二日朝獻景靈宮聖祖天尊大帝冊文
欽惟真祖濬發壽丘寶肇慶源景命有僕涓剛至日修
報上圓億萬斯年永隆丕祚

分詣元天大聖后青詞

有假閼宮夙嚴慈御涓辰景至祇事郊丘敢即前期用
伸潔告仰祈歆顧用迪休成

分詣祖宗帝后神御祝文

洪維真祖肇啓炎圖列聖相承夙嚴閼宇郊丘饗帝先
事告虔仰冀威靈益垂敷佑

前一日朝饗太廟祖宗帝后冊文

維宗受命聖聖相承肆及眇躬獲纘丕緒天地並況芝
成靈華歲事觚壇肅若舊典是用孝饗保祚無疆

太廟七祀祝文

丕講彌文式遵舊典惟時七祀配合廟庭分獻告虔惟
爾有神相時安吉

昊天上帝冊文

皇矣上帝右序炎圖荷天之休諸福畢至聿修大報燔
柴泰壇匪今斯今緝熙純嘏

皇地祇冊文

至哉坤元厚德載物並佑我宋申錫無疆升禋紫壇合
祛嚴報夙夜基命益燕昌圖

太祖皇帝冊文

天有成命皇祖受之拓跡開基配天其澤蒸承禋祀爰
熙紫壇侑饗惟嚴克昌厥後

太宗皇帝冊文

下武繼文無競惟烈德垂後裔百世其承迎至天正躬
修美報永言配命降福孔皆

分祭太社太稷祝文

太稷
詞同

躬執圭幣歲事郊丘社稷之詞次于宗廟載稽彞典分命薦誠尚其顧歆相我盛禮

土正勾龍氏祝文

后稷氏詞同

維神勾姬配食社稷實司土穀利養羣生大報郊丘百神咸舉尚其歆懌相我休成

分命九宮貴神祝文

涓剛至日方嚴上帝之祠分命殊庭特禮飛棊之貴仰祈昭格敷錫延洪永祚星圖均福黎庶

郊祀大禮畢奏謝昭慈聖獻皇后并永佑陵

橫宮表文

存習康年恭修美報太宮裸鬯具延列聖之光吉土升煙昭格萬里之況敢云能饗實賴詒謀祇率舊章式嚴

報謝

諸陵懿節皇后橫宮祝文

並闕

五嶽四海四瀆祝文

恭卜天正載嚴郊祀格三靈之並况普四海以均釐絜爾明神遠垂默相式伸昭報尚監忱誠

南嶽南海南瀆祝文

夙乘齋輅對越上穹屬熙事之涓成絜明神之默相式陳報禮具協彝儀尚覲顧歆永垂孚祐

南鎮會稽山永濟王祝文

惟神載在祀典作鎮南方熙事備成宜有默相式遵彝典昭薦令芳尚覲顧歆永垂孚佑

二十八年御札降奏告天地祝文

荷乾坤之施思答洪休合丘澤之詞恪循舊典廼卜陽
來之旦式陳郊見之儀敢列至忱預伸虔告

太廟祝文

祇率燕謀肅稱元祀將歲郊柴之禮必先廟祫之恭茲
惟故常敢以前告

別廟祝文

穆卜天正將郊上圉假廟薦芳肅若舊典諒茲遺懿監
我有休

太社太稷祝文

土穀大神功施萬世仰祈善應克相休成敢竭齋精預
迎况施

天慶觀報恩光孝觀青詞

嘉壇展事將修三歲之禋靖館告虔庶格九清之鑒仰
祈善應克相休成敢竭齋精預迎況施

太一宮祝文

祓泰壇而稱祀將舉上儀歛煩惓以告期預祈靈鑒仰
貴神之協佑相熙事之齊明敢潔靈誠莫垂休應

諸陵表文

迎長在候報本維時修合祭天地之上儀舉並侑祖宗
之鉅典夙伸昭告用戒恭虔

昭慈聖獻皇后櫨宮永祐陵櫨宮表文祝文
闕

五嶽四海四瀆祝文

恭修郊祀肆及山川宜伸望祭之儀以備歲秋之典前

期昭告用表虔誠

南嶽南海南瀆祝文

有事圓壇肆及群祀矧茲南嶽作鎮方隅先期遣臨不敢不告

前二日奏告太祖皇帝太宗皇帝配侑祝文
國有大報禮行於郊欽惟祖宗陟配天地肆茲景至誕
舉彌文先事告虔仰祈靈鑒

前二日朝獻景陵宮聖祖天尊大帝冊文
先天之符肇自聖祖配極流耀是興炎圖迎陽稱裡夙
展熙事右序我宋永孚于休

分詣元天大聖后青詞

宗祈上圓祇見真祖琳宮斯闕藥御所臨爰飭侍祠之

臣往仲報本之儀莫垂冲監用迪孚休

分詣祖宗帝后神御祝文

欽修上祀夙歆闕庭仰惟列聖之靈並宅棲真之宇方
飭躬而朝獻爰分命以侍祠敢覲昭明默垂鑒佑

前一日朝饗太廟祖宗帝后冊文

宋受天命列聖克承卜世其昌肆紹禋祀屬時寧謐用
涓剛辰恭歲上儀永祈孚佑

太廟七祀祝文

三歲大報靡神不賓矧茲廟庭舊有七祀各迪令薦相
予休成

輓祭嘉會門祝文

大輅鳴鑾親祠陽時展軫在御祀輓而驅茲惟舊章先

事命祭六虬按節繫爾神休

昊天上帝冊文

明明上天錫宗成命世用饗帝維翼厥心初陽協辰秩祀昭報永祈孚佑降福無彊

皇地祇冊文

於皇柔祇母育萬物順承天道協佑我民至景迎長合祛絜祀欽事以察申錫蕃釐

太祖皇帝冊文

赫赫藝祖肇造區夏功德巍然貽燕翼子肆茲宴昧祇事泰壇展采備儀敢伸昭報

太宗皇帝冊文

太宗御圖嗣大一統羣陰屏伏昭茲皇明恭承郊禋寔

伸舊典啟佑後人期千萬祀

分祭太社太稷祝文

太稷同

郊廟大祀齊祓有嚴分命侍臣恭修舊典精意所格神寔鑒臨尚祈顧歆以永孚

土正勾龍氏祝文

后稷氏同

惟神聰明侑食社稷屬茲大報與錫有年分命薦誠以期昭格

分命九宮貴神祝

闕

郊祀大禮畢奏謝諸陵表文

寅保丕圖恪遵舊典候黃宮之協氣秋紫時之明禋假廟薦芳就陽升燎帝祖嘉饗神人具依寔繫保佑之休克就齊明之事敢伸虔謝益迓洪禧

祭謝五嶽四海四瀆祝文

闕

南嶽南海南瀆祝文

朕親見帝祖望秩山川既克備于祓容乃告成于大事
式馳使介往薦廟楹尚鑒忱誠毋忘昭格

南嶽會稽山永濟王祝文

承裡泰時望秩名山迄熙事之備成荷靈存之來顧敢
伸誠悃用答顯休